

## Selekane se Secha



---

### SABATHA MANTSIBOEA

#### **Bakeng sa Boithuto ba Beke Ena Bala:**

Jer. 31:31–34; Matt. 5:17–28; Hos. 2:18–20; Esa. 56:6, 7; Baheb. 8:7, 8; Baheb. 10:4; Matt. 27:51.

#### **Teman'a Khopolo:**

“Behold, the days are coming, says the LORD, when I will make a new covenant with the house of Israel and the house of Judah” (*Jeremia 31:31*).

**P**opae kahar'a makasine lilemo tse fetileng e ne e bontša e le ea mookameli oa khoebo a le ka ofising a eme kapele ho sehlopha sa baokameli ba bang. O ne a tšoere lebokose la sebolaea-likokoana-hloko letsohong la hae, a le bontša banna le basali bana ba bang. O ne a supile lentsoe Ncha le neng le ngotsoe ka tlhaku tse kholo tse khubelu holim'a lebokose ka sebete, sesupo e le hore, e fela, sehlahisoa seo e le se secha. Eaba mookameli enoa o re, “E 'Ncha' e lebokoseng kante feela e leng ncha.” Ka mantsoe a mang, sohle se fetohileng, e ne mpa e le lentsoe Ncha le holim'a lebokose. Ntho tse ling tsohle li ntse li tšoana. Ka tsela e itseng, motho a ka re selekane se secha se joalo. Motso oa selekane, tšepo ea mantlha eo se re tšoaretseng eona, liphelelo tsa sona tsa mantlha, li ntse li tšoana le tse neng li fumanoa seleanang sa khale. Ha e sa le e le selekane sa mohau le mehauhelo sa Molimo, selekane se theuoeng holim'a lerato le fetang liphoso le ho hloleha ha botho.

**Beke ka Bokhutšoanyane:** Ke lintho li fe tse tšoanang mahareng a selekane sa khale le se secha? Lilekane li ne li entsoe le bo mang? Buka ea Baheberu e bolelang ka “selekane se fetisang”? (Baheb. 8:6). Kamano ke e fe mahareng a selekane see le sehalalelo sa leholimo?

*\*Ithute thuto ea beke ena ho lokisetsa Sabatha sa la 5 Phuptjane.*

## Bonang, Matsatsi a ea Tla . . .

Bala Jeremia 31:31–34 e be u arabela lipotso tse latelang:

1. Ke mang ea qalang selekane see?

---

2. Ho buuo a ka molao oa mang moo? Ke molao o fe?

---

3. Ke litemana li fe tse bontšang ntlha ea kamano eo Molimo a batlang ho ba le eona le sechaba sa Hae?

---

4. Ke ketso e fe sebakeng sa sechaba sa Hae e etsang motheo oa kamano ea selekane seo?

---

Ho hlakile: Selekane se secha ha se ntho e fapaneng ha kaalo le selekane sa khale se entsoeng le Iseraele Thabeng ea Sinai. Hantle-ntlh, bothata ba selekane sa Sinai e ne e se hore se se se tsfote kapa se felletsoe ke nako. Bothata, hantle, e ne e le hore se robiloe (sheba Jer. 31:32). Likarabo tsa lipotso tse kaholimo, tse fumanoang litemaneng tseo tse 'ne kaofela ha tsona, li pakahatsa hore mekhahlelo e mengata ea “selekane sa khale” e ntse e le teng ho se secha. “Selekane se secha,” hantle, ke “selekane se nchafalitsoeng.” ke phethelo, kapa phethahatso, ea sa pele.

**Tsepama karolong ea ho qetela ea Jeremia 31:34, eo ho eona Jehova a reng o tla ba lesella bokhopo a bona le sebe sa sechaba sa Hae. Leha Jehova a re o tla ngola molao lipelong tsa rona a o behe kahare ho rona, o ntse a toboketsa hore o tla re tšoarela libe le makhopo a rona, a robileng molao o ngoliloeng lipelong tsa rona. Na u bona khanyetsano kapa khohlano mahareng a litaba tsee? Ha ho se joalo, hobaneng? Ho ea kaBaroma 2:15 ho bolela eng ka ho ngola molao lipelong tsa rona? (Matt. 5:17–28).**

---

Re talimile litemana tsa kajeno, u ka li sebelisa joang ho arabela Khang ea Hoe ka tsela e itseng Melao e Leshome (kapa, ka ho khetholloha, Sabatha) ha o sa na bohlokoa tlas'a selekane se secha? A na ho na le letho litemaneng tseo le boelang taba eo? Haeba le le teng, motho a ka sebelisa litemana tseo joang ho pakahatsa ho tsoela pele ha molao?

## Mosebetsi oa Pelo

Nakong eo ‘muso oa boroa oa Juda o leng makhatheng a ho fela ‘me batho ba nkeloa kholehong Babilona, Molimo o ile oa phatlalatsa “selekane se secha” ka Jeremia moporofeta oa Hae. Lena ke lekhetlo la pele leo taba ena ho buuoang ka eona ka Bibeleng. Leha ho le joalo, ha ‘muso oa Iseraele o merabe e 10 o le makhatheng a ho timetsoa (motho e mong lilemo tse lekholo le mashome a mahlano pele ho nako ea Jeremia), taba ea selekane se seng e ile ea buuo a hape, khetlong lena e le Hosea (Hos. 2:18–20).

**Bala Hosea 2:18–20. Hlokomela litaba tse tšoanang tseo Jehova a li buileng moo le sechaba sa Hae le tseo a li buileng ho Jeremia 31:31–34. Ho sebelisitsoe karaburetso e fe e tšoanang, ‘me, hape, e re’ng hape ka moelelo oa mantlha le tšobotsi ea selekane seo?**

---

Linakong tse ling nalaneng ha maano a Molimo bakeng sa sechaba sa Hae sa selekane e senngoa ke bokhelohi ba bona le ho hloka tumelo, o ne a romela baporofeta ho phatlalatsa hore nalane ea selekane le ba Hae ba tšepahalang ha e so fihle pheletsong. Ho sa natse hore na batho ba hlokile botšepahi ha kae, ho sa natse bokoenehi, bokhelohi, le ho hloka kutlo har’a bona, Jehova o ntse a tsoela pele ho phatlalatsa thahasello ea Hae ho kena kamanong ea selekane le bohle ba ikemiselitšeng ho baka, ho utloa, le ho kopa litšepiso tsa Hae.

**Sheba litemana tse latelang. Leha li sa bue ka selekane se secha ka kotloloho, ke lintlha li fe tse fumanehang ho tsona tse bontšang litšiea tsa selekane se secha?**

**Ezek. 11:19** \_\_\_\_\_

**Ezek. 18:31** \_\_\_\_\_

**Ezek. 36:26** \_\_\_\_\_

Jehova o tla fana ka “‘pelo e ntsebang hoba ke Jehova’” (Jer. 24:7). O tla “‘ntša pelo ea lejoe nameng ea bona, ‘me ke ba nee pelo ea nama’” (Ezek. 11:19), hape a fane ka “‘pelo e ncha’” le “‘moea o mocha’” (Ezek. 36:26). O boetse o re, “‘Ke tla bea moea oa ka hare ho lona’” (Ezek. 36:27). Mosebetsi ona oa Molimo ke motheo oa selekane se secha.

**Haeba motho e mong a tšile ho uena a re, “Ke batla pelo e ncha, Ke batla molao o ngoloe pelong ea ka, ke batla pelo e tsebang Jehova—empa ha ke tsebe ke etsa joang,” U ka re’ng ho motho eo?**

## Lilekane tse Ncha le tsa Khale

“Ha e le bana ba balichaba ba khomaretseng Jehova, ho mo sebeletsa le ho rata lebitso la Jehova, hore e tle e be bahlanka ba hae, bona kaofela ba bolokang Sabatha, ba tšabang ho e silafatsa, ‘me ba tiisetse selekaneng sa ka, ke tla ba tlisa thabeng ea ka e halalelang, ke ba thabise ka tlung ea ka ea thapelo; licheso tsa bona le mahlabelo a bona li tla amoheloa hantle aletareng ea ka, hobane ntlo ea ka e tla bitsoa ntlo ea thapelo ho lichaba kaofela” (Esa. 56:6, 7).

Jeremia e bolela hore selekane se secha se tlo etsoa le “ntlo ea Iseraele” (Jer. 31:33). Na see se bolela hore, peo ea Abrahamana ka nama, ba-Juda ka mali le ka tsoalo, ke bona feela ba tla amohela lipallo tsa selekane? Che! Hantle-ntle, sena e ne e se ‘nete le nakong ea Testamente ea Khale. Taba ea hore sechaba sa ba-Heberu, kaofela ha sona, se ne se fuoe lipallo tsa selekane, e fela e le ‘nete. Feela, ho ne ho sa etsoa joalo ka khethollo ea ba bang bohle. Ho e-na le hoo, mo-Juda kapa Molichaba, ba ne ba memetsoe ho amohela litšepiso tseo, empa ba ne ba lokela ho lumela ho kena selekaneng. Ha ho ea fapana le kajeno.

**Bala litemana tse kaholi tse ho Esia. Li beha lipehelo li fe bakeng sa ba batlang ho sebeletsa Jehova? Na ho hlile ho na le phapano ho seo Molimo a se batlang ho bona le seo a se batlang ho rona kajeno? Hlalosa karabo ea hau.**

---

---

---

Leha selekane se secha se bitsoa se “fetisang” (sheba boithuto ba Laboraro), ha ho bile ha ho na phapano lintlheng tsa mantlha tse aha selekane sa khale le se secha. E ntse e le Molimo o le mong, ea fanang ka pholoho ka tsela e tšoanang, ka mohau (Exod. 34:6, Baroma 3:24); ke Molimo o tšoanang o batlang sechaba se tla batla litšepiso tsa hae tsa tšoarelo ka tumelo (Jer. 31:34, Baheb. 8:12); e ntse e le Molimo o tšoanang o batlang ho ngola molao lipelong tsa ba o latelang kamanong ea tumelo (Jer. 31:33, Baheb. 8:10), mo-Juda kapa Molichaba. Testamenteng e Ncha, ba-Juda, ha ba arabela khetho ea mohau, ba ile ba amohela Jesu Krete le Evangeli ea Hae. Ho na le nako eo e neng e le pelo ea kereke, “masala ka boikhethelo ba mohau” (Baroma 11:5) ho fapana le ba neng ba “thatafalitsoe” (Baroma 11:7). Ka nako e tšoanang, Balichaba, bao pele ba neng ba sa lumele, ba ile ba amohela evangeli ‘me ba hapelloa ho ba sechaba sa ‘nete sa Molimo, se theuoeng ka balumeli, ho sa natse bochaba kapa moloko oo ba tsoang ho oona (Baroma 11:13–24). Ka hoo Balichaba “mehlang eo le ne le le ka ntle ho Krete, le ne le khaohane le sechaba sa Iseraele, le ne le se na kabelo lilekaneng tsa pallo.” (Baef. 2:12) ba ile ba atameletsoa haufi ka mali a Krete. Krete ke ‘muelli oa “selekane se secha” (Baheb. 9:15) bakeng sa balumeli kaofela, ho sa natse bochaba le morabe.

## “Selekane se Fetisang” (Baheb. 8:6)

Maobane re bone hore ha e le malebana le tsa mantlha, selekane sa khale le se secha lia tšoana. Taba-kholo ke pholoho ka tumelo ho Molimo ea tla tšoarella libe tsa rona, e seng hobane ho na le boleng ho rona empa e le feela ka lebaka la mohau oa Hae. Ka lebaka la tšoarello ena, re kena kamanong le Eena eo ho eona re inehelang ho Eena ka tumelo le kutlo. Leha ho le joalo, buka ea Baheberu e fela e bitsa selekane se secha “selekane se fetisang.” Ke joang re ka utloisisang eo e se bolelang? Selekane se seng se fetisa se seng joang?

**Phoso e bile kae “ho hloleheng” ha selekane sa khale? (Baheb. 8:7, 8).**

---

Bothata ba selekane sa khale e ne e se selekane ka bosona empa ho hloleha ha batho ho se utloisisa ka tumelo (Baheb. 4:2). Se secha se fetisa sa khale ka hore Jesu—ho e-na le hore a senoloe ka mahlabelo a liphoofole (joalo ka seleaneng sa khale)—joale o hlaha ka sebele ka lefu la Hae le bosebeletsi ba boprsta bo phahameng. Ka mantsoe a mang, pholoho e fanoang seleaneng sa khale e ntse e tšoana le e fanoang seleaneng se secha. Ho se secha, leha ho le joalo, ho senolehile ka botlalo bo fetisang Molimo oa selekane le lerato leo a nang le lona bakeng sa batho ba oeleng. Se fetisa ka hore lintho tsohle tse neng li ntse li rutoa ka litšoantšo le liriti Testamenteng ea Khale e fumane phethahatso ea eona ho Jesu, eo bophelo ba Hae bo se nang sebe, lefu la Hae, le bosebeletsi ba boprsta bo phahameng li ne li tsoao ka tšebeliso ea sehalalelo se lefatšeng (Baheb. 9:8–14). Joale, leha ho le joalo, ho e-na le litšoantšo, liriti, le mehlala, re na le Jesu ka sebele, e seng feela e le Konyana e hlabiloeng ea tšolotseng mali a Hae bakeng sa libe tsa rona (Baheb. 9:12) empa ea emeng e le Moprsta ea Phahameng oa rona leholimong a re sebeletsa (Baheb. 7:25). Leha pholoho eo a fanang ka eona e ntse e tšoana, tšenolo e tletseng ka ho fetisa ea Hae le pholoho e fumanoa ho Eena, joalo ka ha ho senotsoe seleaneng se secha, e etsa se fetise sa khale.

**Bala Baheberu 8:5 le Baheberu 10:1. Sengoli se sebelisa lentsoe le fe ho hlalosa litšebeliso tsa sehalalelo? Tšebeliso ea lentsoe leo e re thusa ho utloisisa ho fetisa ha selekane se secha?**

---

**Nahana ka sena: hobaneng ho tseba ka bophelo, lefu, le bosebeletsi ba moprsta ea phameng ba Jesu sebakeng sa rona ho re fa kutloisiso e fetisang ea Molimo ho feta kamoo motho a n'a ka utloisisa kateng ho tsoa tšebeliso ea sehalalelo sa lefatše le mahlabelo a liphoofole?**

## Moprista oa Selekane se Secha

Buka ea Baheberu e toboketsa ka matla taba ea Jesu e le Moprista oa rona ea Phahameng sehalalelong sa leholimo. Hantle-ntle, pontšo e hlakileng ka ho fetisisa ea selekane se secha e fumanoang Testamenteng e Ncha e fumaneha bukeng ea Baheberu ka ho toboketsa taba ea Keste e le Moprista ea Phahameng. Ha se taba e iketsahalletseng feela. Bosebeletsi ba Krete leholimong bo loelletsoe ka matla le lipallo tsa selekane se secha. Tšebeletso ea sehalalelo ea Testamente ea Khale e ne ele tsela eo ka eona ho neng ho rutoa linnete tsa selekane sa khale. Khubu ea tsona e ne e le mahlabelo le bobuelli. Ho no hlajoa liphoofofo, e be baprista ba sebelisa mali a tsona ho buella. Sena, e fela, e e e le litšoantšo tsa pholoho e fumanoang ho Jesu feela. Ho ne ho se pholoho e fumanehang ho tsona ka botsona.

**Bala Baheberu 10:4. Hobaneng ho ne ho se na pholoho e fumanehang lefung la liphoofofo tse? Hobaneng ho shoa ha phoofofo ho sa lekana ho tlisa pholoho?**

---

Mahlabelo ana kaofela, le bobuelli ba baprista bo neng bo tsamaea le oona, li ile tsa fihlela phethahatso ea tsona ho Krete. Jesu e ile ea e-ba sehlabelo seo selekane se secha se itšetlehileng holim'a mali a sona. Mali a Krete a ile a tiisa selekane se secha, 'me a etsa hore selekane sa Sinai le mahlabelo a sona e be a "khale" le lefeela. Selekane sa 'nete se ne se se se entsoe, hang bakeng sa bohle (Baheb. 9:26). Hang hoba Krete a shoe, ho ne ho se ho sa hloka hore liphoofofo li 'ne li hlajoe. Litšebeletso tsa sehalalelo se lefatšeng li ne li fihletse tšebetso ea tsona.

**Bala Mattheu 27:51, e bolelang kamoo lesela la sehalalelo se lefatšeng le ileng la hahoha ka lehare ha Jesu a e-shoa. Ketsahalo eo e re thusa joang ho utloisisa hore sehalalelo se lefatšeng se ne se se nketsoe sebaka?**

---

Bosebeletsi ba boprista bo ne bo qhoaelletsoe le mahlabelo ana a liphoofofo, ba-Levi bao ba neng ba etsa mahlabelo ao le ho a sebelisa ho buella sechaba sehalalelong se lefatšeng. Hang hoba mahlabelo a felisoa, tlhokeho ea bosebeletsi ba bona le oena e ile ea felisoa. Tsohle li ne li phethahetse ho Jesu, eo ha joale a sebeletsang ka mali a Hae sehalalelong se leholimong (sheba Baheb. 8:1-5). Bahebeu e tiisa hore Krete ke Moprista ea Phahameng leholimong, ea keneng ka ho tšolla mali a Hae (Baheb. 9:12), a re buellella. Ona ke oona motheo oa tšepo eo re nang le eona le pallo ea selekane se secha.

**Ho etsa u ikutloe joang, ho utloisisa hore, le hona joale, Jesu o sebetsa ka mali a Hae leholimong sebakeng sa rona? Taba ee e u fa sebete le tiisetso e kae mabapi le pholoho?**

## Ho Ithuta Haholoanyane:

“Ka ho ja bohobe le veine le barutuo ba Hae, Kreste o ne a ikana ho bona hore e tla ba Molopolli oa bona. O ile a tšepela ho bona selekane se secha, seo bohle ba mo amohelang e tlang ho ba bana ba Molimo, le majalefa ‘moho le Kreste. Ka selekane sena tlhohonolofatso tsohle tseo leholimo le neng le ka li fana bakeng sa bophelo bona le bo tlang e ne e le tsa bona. Ketso ena ea selekane e ne e lokela ho tiisoa ka mali a Kreste. ‘Me tšebeletso ea selallo e ne e lokela ho boloka kapele ho barutuo sehlabelo sa ka ho sa feleng se etselitsoeng e mong le e mong oa bona ka bo mong e le karolo ea batho bohle ba oeleng.”—Ellen G. White, *The Desire of Ages*, leq. 659. “Karolo e hlollang ka ho fetisisa ea selekane sena sa khotso ke taba ea sona ea monono o fetisang oa mohau o tšoareleng o fuoang moetsalibe haeba a baka ‘me a furalla sebe sa hae. Moea o Halalelang o hlalosa evangeli e le pholoho e fumanehang ka mehauhelo e bonolo ea Molimo oa rona. ‘Ke tla ba rekolohela makhopong a bona.’ Morena o re ho ba bakang, “me nke ke ka hlola ke sa hopola libe tsa bona le litlolo tsa bona’ (Baheb. 8:12). Na Molimo o tloha tokeng ka ho bontša lereko ho moetsalibe? Che; Molimo ha o ka ke oa silafatsa molao oa oona ka ho lesa hore o rojoe ho se kotlo ea letho. Ka tlas’a selekane se secha, pehelo ea bophelo ke kutlo e phethehileng. Haeba moetsalibe a baka ‘me a bolela libe tsa hae, o tla fumana tšoarello. Ka sehlabelo sa Kreste se entsoeng bakeng sa hae, o boloketsoe tšoarello. Kreste o khotsofalitse tlhoko ea molao bakeng sa moetsalibe e mong le e mong ea bakang, ea lumelang.”—Ellen G. White, *God’s Amazing Grace*, leq. 138.

## Lipotso tsa Puisano:

1. Molemo oa ho ba le molao o ngotsoeng pelong khahlanong le o ngotsoeng matlapeng a lejoe feela ke o fe? Ke e fe e bonolo ho lebaleha, molao o ngoliloeng majoeng kapa molao o ngoliloeng ka pelong?
2. Ha e sa le ho tloha ho oeng ha motho, pholoho e fumaneha feela ka Jesu, le haeba tšenolo ea ‘nete eo e ne e fapana ho ea ka mekhahlelo e fapaneng ea nalane. A na lilekane tsee ha li sebetse ka tsela e tšoanang?
3. Talima qotsulo ea bobeli ea Ellen G. White boithutong ba kajeno. O bolela’ng ka “kutlo e phethahetseng” e le eona tlhoko ea kamano ea selekane? Ke mang eo e leng Eena feela ea bileng le “kutlo e phethahetseng”? Kutlo eo e khotsofatsa litlhoko tsa molao joang bakeng sa rona?

**Kakaretso:** Selekane se secha se fetisa ka boholo, se tletse ka ho fetisa, hape ke tšenolo e fetisang ea leano la topollo. Rona ba nkang karolo ho sona ka tumelo, tumelo e tla ipontšahatsa ka ho mamela molao o ngotsoeng lipelong tsa rona.